

## Муҳаррам ойининг фазилатлари



18:00 / 18.07.2023 2760

Муҳаррам ойи ҳурматли ойдир. Бу ой ҳижрий сана бошланадиган ойдир. Муҳаррам ойи Аллоҳ таоло урушни ҳаром қилган тўрт ойдан биридир.

Бундан ортиқ ҳурмат бўлиши мумкинми?

Бу ой «Аллоҳнинг ойи» деб номланади.

Бундан ортиқ улуғлаш бўлиши мумкинми?

Муҳаррам ойи Рамазон ойдан кейинги мартабада туради. Бу ойда энг улуғ кунлардан бири – Ашуро куни бор. Бу ойнинг ҳурмати, ҳаромлиги ва улуғлигини ҳадисларни ўрганиш давомида яна ҳам чуқурроқ билиб оламиз.

لَضُفَاءَ لِقِاسِ مَا سَوَّاهِ لَعَلَّ يَلْصِقُ بِبَنِي النَّعِ، هُنَّ عُلُجُ لَلِضَّرِّ رَزِيَّ بِأَنْعِ  
عُلُصَّةِ ضَيْرِفُلِّدَعْبِ الْعُلُصَّةِ لَضُفَاوُ، مَحْمُولُ لَعَلَّ رَشَنَاضَمَرَدَعْبِ مَا يَصِلُ  
يُرَاحُ بِلَالِ الْإِسْمَعِيلِيِّ أَوْرِيْلَلِ

Абу Ҳурайра розияллоҳу анхудан ривоят қилинади:

— Рамазон рўзасидан кейинги энг афзал рўза Муҳаррам ойи рўзаси эканлиги.

— Муҳаррам ойи Шаҳруллоҳ – Аллоҳнинг ойи деб номланиши.

— Фарз намозидан кейинги энг афзал намоз тунги намоз эканлиги.

— Муҳаррам ойида кўпроқ рўза тутишга ҳаракат қилмоғимиз лозимлиги.

— Кечаси таҳажжуд намозлари ўқишга одатланишимиз кераклиги.

رُزْهَ شَيْءٌ أَيُّهُمُجْزَأُ مِصْرِيٍّ بِنِجَالِ الْأَسْفَلِ لِحَرْعَاءِ أَجْهُنَّ عُلُجْهُ لِيَضْرُرَّ يَلْعَلْ أَقْوَى  
هُنَّ إِفٍّ مَّحْمُودٌ مُصَفَّيْنَ أَضْمَرَ دَعَبَ أَمَّيَّاتٍ تَنْكُنْ لِنِجَالِ أَقْ؟ أَضْمَرَ دَعَبَ مَوْصَأً نَأْيِ نُرْمَات  
هُ أَوْ رَنِي خِإِ مَوْقَى لَعَيْهِ فُبُوتَيَّوْ مَوْقَى لَعَيْهِ فَبَاتٍ مَوْيَّهِ فِ لَعَلْ رُزْهَ شَيْءٌ  
هُنَّ سَحْوٍ وَيُذْمَرُّ لِي

«Али розияллоҳу анху дедилар:

«Бир одам келиб, Набий соллаллоҳу алайҳи васалламдан:

«Рамазондан кейин қайси ой рўзасини тутишимни амр қиласиз?» деб сўради.

«Агар Рамазондан кейин рўза тутувчи бўлсанг, Муҳаррамни тут. Чунки у Аллоҳнинг ойдир. Унда Аллоҳ бир қавмнинг тавбасини қабул қилгандир ва бошқа қавмларнинг ҳам тавбасини қабул қиладир», дедилар».

Термизий ривоят қилган ва ҳасан, деган.

— Қайси вақтда нафл ибодат қилиш афзал эканлигини билиб олишга қизиқиш, унинг пайдан тушиш фазилат эканлиги.

— Рамазон рўзасидан кейинги энг афзал рўза Муҳаррам ойи рўзаси эканлиги.

— Муҳаррам ойи Аллоҳнинг ойи номига сазовор бўлган ой эканлиги. Зотан, барча ойлар ҳам Аллоҳникидир. Лекин Муҳаррам ойининггина шу ном билан номланиши бу ойнинг шарафига шараф қўшади.

— Аллоҳ таоло Муҳаррам ойида ўтган қавмлардан бирининг тавбасини қабул қилганлиги.

— Муҳаррам ойида Аллоҳ таоло бошқа қавмларнинг ҳам тавбасини қабул қилиши. Шунинг учун қавмлар бу муборак ойда тавбага шошилсалар, яхши бўлади.

Аллоҳ таоло ушбу ойнинг фазилатларидан барча мўмин-мусулмонларни тўлиқ баҳраманд этсин. Ўзининг розилигини топадиган амалларда бардавом қилсин.